

**Class 10 बाइदिमैयानि आसाम**  
**खोन्दो - 4** **Bodo Medium**  
**बर 'फोर**

---

1. बर' रावा मा राव फोलेरनि दालाइ?

फिन : बर' रावा चीन' तिब्बत बर्मी राव फोलेरनि।

2. बर' रावा माब्ला गुदि सोलोंथाइनि बिजों महरै गनायथि मोनदोंमोन?

फिन : बर' रावा 1963 मायथाइयाव गुदि सोलोंथाइनि बिजों महरै गनायथि मोनदोंमोन।

3. बर 'फोरनि बागै लिरनाय गानै बिजाबनि मुं लिर।

फिन : बर 'फोरनि बागै लिरनाय गानै बिजाबफोरनि मुंफोरा जादों – रेभारेण्ड सीडनि एण्डेलआ लिरनाय "An Outline of Kachari Grammar" आरो "The Kacharis"।

4. बर' रावनि गिबि बिजाबआ मामोन?

फिन : बर' रावनि गिबि बिजाबआ गंगाचरन कछारिनि 'बर'नि फिसा अ आयेन'।

5. मोननैसो बर' आगरनि मुं लिर।

फिन : मोननैसो बर' आगरनि मुंफोरा जादों – दाउथु आगर, फारेव मेगन, मुफुर आफा, दाउराइ मोखेब, थाइगिर बिबार, हाजो आगर बायदि बायदि।

## 6.लिरसुंथाइ लिर:

(क) श 'भा ब्रह्म।

(ख) अस्ताद कामीनि कुमार नार्जारि।

(ग) बिनेस्वर ब्रह्म।

फिन : (क) श 'भा ब्रह्म: ड° श'भा ब्रह्मआ भारतनि सासे गेदेमा लंथाइगिरि आरो आसामनि आरिमु मुलुगनि सासे लामा दिन्थिगिरि। बिथांनि सोरजिथाइफोरा बर' आरो असमीया समाजनि थार सायखं सावगारिखौ रिफिखांहोयो। बै गेदेमा महरगिरि बिथाडा इं 1929 मायथाइनि 18 अक्टबर खालाराव दासान्दि ककराझार जिलानि गसाइगाव महकुमानि भुमका मुंनि गंसे गोग्लैसोना थानाय गामियाव जोनोम जादोंमोन। बिथांनि बिफानि मुडा हरिचरण ब्रह्म आरो बिमानि मुडा देवस्ति ब्रह्ममोन।

ड° ब्रह्मआ गावनि गामिनि गुदि फरायसालियाव सोलोंथाइ लादोंमोन। बेनि उनाव धुबुरीनि सापटग्राम गोजौ फरायसालिनिफ्राय 1950 मायथाइयाव जारिमिन आयदायाव लेटार लानानै सेथि थाखोआव उन्त्रिसारनानै गुवाहाटि जौमा फरायसालियाव मुं थिसनो। ब्रह्म बिथाडा उन्दैनिफ्रायनो सासे सावगारि महरगिरि आरो लंथाइखुलिनि महरगिरि जानायनि सिमां नुदोंमोन। ललितकला रत्न ड° श' भा ब्रह्म बिथाडा 1950 मायथाइयाव कबिगुरु रबीन्द्र नाथ ठाकुरआ गायसनलांनाय कलिकतायाव थानाय शान्ति निकेतनाव मुं थिसनो

आरो 1957 मायथाइयाव देरहासारै आरिमु आयदायाव आरिमु जालिया डिग्री लानानै आसामसिम गिदिंबोफिनो।

ड° श' भा ब्रह्म बिथाङा आइजोफोरनि सायाव सोलिनाय उदखारि आरो मानसिया गावनि गावसुफुंथाइखौ सुफुंनो थाखाय मिथिंगाखौ सिलिंखार खालामनायखौ सहायनो हायाखैमोन। बिथाङा बिमा हारिनि गोरबोनि दाहाखौ सावगारिनि जोहै हुखोमोनायनि बाथा सानदोंमोन। भुमकायाव बर' आइजोनि सायाव खालामनाय उदखारिथिनि दुखुनांथाव जाथाया बिथांनि सावगारियाव बेरखांदोंमोन।

**(ख) अस्ताद कामिनी कुमार नार्जारि:** अस्ताद कामिनी कुमार नार्जारिया जाबाय आरिमु मुलुगनि थरसे अलंबार। मोसानाय महरगिरि अस्ताद कामिनी कुमार नार्जरीया गाव सुफुंथाइ गैयि आरो नारा-नाथा नाजानायजों बर' मोसानायखौ रायजोआरि थाखोनिफ्राय हादोरारि थाखोसिम लांनायाव थोजासे बिहोमा होदों। बिथाङा 1926 मायथाइयाव दासान्दि गसाइगाव महकुमानि सिङाव बिन्याखाटा हालामनि बामोनखुरा गामियाव जोनोम लादोंमोन। बिथांनि बिफानि मुङा बजाराम नार्जरी आरो बिमानि मुङा थांगाली नार्जारिमोन।

इं 1955 मायथाइयाव दिल्लीयाव जानाय अल इण्डिया रेडिअ'नि गेवलां दिन्थिफुं हाबाफारियाव बिथाङा बाहागो लाना हाबाजेंलावनि मेथाइ रोजाबदोंमनो। बे हाबाफारिनिफ्राय गिदिंबोफिननानैनो अस्ताद कामिनीया बर' हारिमुनि जौगाथाइनि थाखाय गुबुन गुबुन बिथिङाव खामानि मावनो लायो।

1957 मायथाइनि 26 जानुवारि अक्टआव दिल्लीयाव खुंजानाय सुबुंदारा सानाव अस्ताद कामिनी कुमार नार्जारिया मोनसे हारिमुवारि हान्जा लानानै बाहागो

लाहैयो। बेयाव मोसानाय बादायलायनायाव बर' कृष्टि हान्जाया बागुरुमबा मोसानाय दिन्थिनानै भारतनि मादावनो सेथि जायगा आवग्रिनो हायो।

**(ग) सुबुंथिनि थान्दै बिनेस्वर ब्रह्म:** मुंखलं बिनेश्वर ब्रह्म बिथाडा इं 1949 मायथाइ 28 फेब्रुवारि खालाराव आथिखालनि ककराझार जिलानि भातारमारी गामियाव जोनोम मोनो। बिथांनि बिमा-बिफानि मुडा फारियै तारामनि ब्रह्म आरो स 'नटि ब्रह्म।

बिनेश्वर ब्रह्म बिथांनि गुदि सोलोंथाइया गावनि गामियावनो 365 नं गुदि फरायसालियाव 1954 मायथाइयाव जुरिजेनो। बेनि उनाव 1959 मायथाइयाव गुदि सोलोंथाइखौ फोजोबनानै ककराझार हायार सेकेण्डारी माल्टिपारपास स्कुलाव 1960 माइथायाव मुं थिसनो। बे फरायसालिनिफ्रायनो एम. इ. खोन्दोआव बृत्ति मोननायजों लोगोसे 1967 माइथायाव पि. इउ. एश.सि. आनजादाव सानखान्थि आयदायाव लेटार नाम्बार लाना सेथि थाखोआव उथिसारो। बे बोसोरावनो जरहाटनि आसाम एग्रिकालसार कलेजाव आरिमु जालिया डिग्रीयाव मुं थिसनो आरो 1972 मायथाइयाव बै एग्रिकालसार कलेजनिफ्राय बि एस.सि. एग्रिल डिग्रीबो मोनो।

बिथाडा 1973 मायथाइनि फेब्रुवारि दानाव गिबि खेबनि थाखाय हिन्दुस्थान हासार निगम हासार बांहोनाय आरो आबाद संजिरारि बिफानाव साख्रि जिउ जुरिजेनो। बै बिफानावनो बिथाडा गुबुन गुबुन मासियाव जिरायनानै धुबुरी, ककराझार आरो मंगलदै आरो जायगाफोराव थानानै खामानि मावो। बे बिफानाव 1980 मायथाइसिम थानायनि उनाव आगाष्ट दाननिफ्राय भारतीय खाद्य निगम बिफानाव Quality control नि Deputy Manager महरै गुवाहाटियाव गोदानै थिसनजायो।

बिथाङा 1990 मायथाइनिफ्राय 1993 मायथाइसिम बड' साहित्य  
शभानि गाहाइ नेहाथारि मासियाव सायख'जायो। फारियै इं  
1993-1996 मायथाइयाव लेडाइ आफादगिरि महरै बिबान  
रुजुननायनि उनाव 1996 माइथायनिफाय 1999 माइथायसिम आरो  
बेनि उनाव 1999 मायथाइनिफ्राय 2002 मायथाइसिम मोननै  
समबुब्लिनि थाखाय बड' साहित्य शभानि आफादगिरि मासिखौ  
समायहोयो।

बर' थुनलाइ मुलुगावबो बिथाङा बिहोमा जगायदों- बिथांनि लिरनाय  
बिजाबफोरा जादों - 'आइनि मोदै', 'बारदै सिखोला', आरो 'आंनि  
गामि भातारमारि'।

Bodo Medium